

**DE VITA HERCULIS  
FRANCISCI  
DANDINII  
COMMENTARIOLUS**

---

Angelo Fabroni



DE VITA  
HERCULIS FRANCISCI  
DANDINII  
COMMENTARIOLUS.



ROMÆ AN. MDCCCLVII.  
TYPIS ROMAREGHIANIS.

---

SCIENTIARUM PERIODICUM.

1771

1419.13

Google

人 工

1419-13

Area



Puv Carfenates & antiquitate,  
 & gloria majorem clara est  
 Dandiniorum familia, quam  
 certam Senis nobilissima Atruriz urbe  
 in magna Senensis Reipublice motibus  
 in oppidem S. Archangeli primum,  
 mox Carfenam seculo xv. venisse hujus  
 civitatis monumenta testantur. Ex hac  
 familia procreatus est peld. non. Nov.  
 anno mdcxv. Hercules Franciscus  
 Dandinus; natale vero solum habuit  
 Anconam, quod ejus pater Hierony-  
 mus in hac civitate duxerat uxorem  
 nobilem & probatissimam senensem.

Margaritam Faziellam . Non diuturnum hoc matrimonium fuit , cum mors Herculis quadrimi matrem , & cum ea maternam familiam e medio suble-  
lerit . Ex quo factum est , ut ejusdem Pater in Urbe Veteri alteram duxerit uxorem e nobilissima gente Gualte-  
ria , ex qua plures suscepit liberos . Hi omnes Patris diligentia bene instituti sunt ; sed cum is videret Herculem do-  
cilitate ingenii reliquos superare , Ro-  
mans misit , commendans & tradens eum fratri suo Anselmo Dandinio , qui erat ex numero XII. virorum , qui in Collegio Signaturæ Juris di-  
cunt . Erat Anselmus in adolescen-  
tes paullo difficiliore atque severiori natura , quem sic veritus est Hercules Franciscus , ut ad ejus arbitrium & nutum totum se fixerit atque accom-  
mo-



modaverit. Tantum vero eidem obsequens evigilavit in studiis humanitatis, ut in his tempora quoque consumeret, quæ alii concedere solent vel ad festos dies celebrandos, vel ad ludos ceteraque oblectamenta, vel ad ipsam animi & corporis requiem. Hæ erant exercitationes ingenii, & curricula mentis. Quod quoque die legerat, atque a præceptoribus audierat, commemorabat vespertini in adversaria etiam conscribebat quæque excellentissima, quæ ex variis seu Italis, seu Latinis, seu Græcis scriptoribus libaverat: nam eodem tempore tribus in his linguis erudiebatur; sed præsertim Latine excolebat; & hoc maxime ad formandam sibi Latinam occasionem conducisse arbitratus est, quod totos tres Ciceronis *de Officiis* libros Italos prius

fecerit , mox Italos sanctos Latinitati restituerit . In his desudans atque elaborans in morbum incidit ; cumque sanguinem eromisset , vehementer diuque aegrotavit . Vix recuperata valetudine , prætèrmissa Litterarum studia repetiit . Itaque triennium fere operam dedit cuidam Religioso viro e familia Eremitarum S. Augustini , qui non vulgari cum plausu Romæ Peripateticam Philosophiam tradebat ; mox ad rerum divinarum scientiam se applicuit , in eaque quadricennium versatus est , magistro primum Ambrosio Arsano Tentuccio e Dominicana familia , mox Dominico Antonio Boccalio e Societate Jesu . His quidem Doctoribus plurimum deditus fuit ; sed non propterea illas dies illi ab exercitiacionibus humanarum Litterarum

9

vacuus erat. Tali modo cum ad nonam & decimum ætatis annum pervenisset, admirabili quodam ad Juris prudentiam studio concitatus, totum se tradidit viro summo Vincentio Gravinae. Hoc preceptore non ad jejunam & nudam Juris prudentiam ingressus est, sed ad illam magnam atque uberem, quæ ad cognitionem legum haustum e fontibus adjungit omnis antiquitatis notitiam, verborumque elegantiam. Quæ in facultate adeo Dandinius profecit, ut facile illam omnes possent Gravinae discipulum agnoscere. Magno quoque eidem adjumento fuit Patruus, qui in omni judicio, quod sibi sciendum erat, Herculem non modo participem, sed etiam adjutorem esse volebat: interdum etiam jubebat alicujus causæ defensionem susci-

seipere ; neque his contentis istis diebus ad se convocabat doctos homines , studiososque adolescentes , quibuscum Hercules exercebatur in explananda interpretandaque lege aliqua , disputandoque in contrarias partes de omni , quæ poneretur , iudicii quæstione . Hi labores , magni il quidem , cessationem aliquam liberam & plane otiosam postulare videbantur ab adolescente , cui tenuis erat valetudo . Sed tantus in eo reidebat industriæ , ac scientiæ amor , ut soleret otii quoque & relaxationis tempus in studiis consumere . Hoc tempore multum versabatur in lectione Ciceronis , aliorumque antiquitatis scriptorum , a quibus suppeditari sibi dicebat , ubi aures dicendi barbaricæ , quæ in Foro dominatur , desisset conquiescerent . Quo vero stylum exer-

exercitatione acueret, aureum illud Joannis Casii opusculum, quod Galeazarum inscribitur ex Italica lingua in Latinam convertendum suscepit. Difficillima profecto res est pro dignitate Latine representare dictionis genus, in quo cum videres pene omnes Italice orationis insunt, tum sententiarum concisæ humilesque comprehensiones, quam recte cum ex Transalpinis hominibus duo Nathan Chierius, & Nicolaus Fierbertus tentassent, multum quidem abfuit, ut ii perfecti munus interpretis explerent. Nam neque periodi ac numerorum ulla ab illis est habita ratio, nec ullius delectus in verbis, quæ propria, culta, immo quæ non barbara essent, adhibendis. Præterquam quod non semel iis in hac interpretatione conficienda aqua hæsit,

sic

sic ut loca aliquæ intentata reliquerint.  
 Nihil est hujusmodi in quo accusari  
 possit Dandinius ; quin immo maximis  
 ille extollendus est laudibus , quod ta-  
 lem elucubraverit *Galateæ* interpreta-  
 tionem , in qua ubique incorrupta La-  
 tini sermonis integritas apparet , & in  
 qua tanta inest suavitas verborum , nu-  
 merorumque , ut facile possis in ea,  
 quasi pictam Cæse in scribendo venu-  
 statem agnoscere . Quomadmodum æ-  
 tem natura ex una re aliam educit ejus-  
 dem generis , sic labor , quem Hercu-  
 les Franciscus in *Galatæ* impendit , la-  
 borem non dissimilem procreavit . Ita-  
 que conscribendos suscepit Latinos Dia-  
 logos de quibusdam officiis ad urbani-  
 tatem pertinentibus , ut esset unde ad  
 ea , quæ in hoc genere *Galatææ* tra-  
 diderat , præcepta cocollarium adde-  
 re-

reter. Quæ autem docuit in his Dialogis Dandiniis voluit illa exemplis declarare. Quare plurima Græcorum, Latinorum, Italorumque Scriptorum loca in medium profert, conferentque rusticitatem unius cum alterius urbanitate (fecit hoc idem Casa in quibusdam Dantis & Petrarche carminibus) quid cavere, quid sequi nos debeat ante oculos ponit. Scribendi ratio, quam in his Dialogis adhibuit, est cæta, pura, suavis, lenis, & pressa, sine iactantia & jejunitate, scilicet apparet Dialogos Ciceronis Philosophicos, quod & ipse in Prefatione testatum voluit, sibi proposuisse ad imitandum. In primo Dialogorum, ut de singulis pauca perstringamus, reddit & exponit rationem, quare *Galateum* ex Italico Latine fecerit; nonnulla

nulla quoque persequitur de perfecta  
 interpretandi ratione, & simul osten-  
 dit rem esse magni laboris ac difficul-  
 tatis. In secundo multis probat ratio-  
 nibus, quarum pleraque ab Aristotele  
 mutatus est, urbanitatem virtutem  
 esse, ejusque præcepta e morali Philo-  
 sophia deduci. Dicturus sigillatim de  
 quibusdam urbanis officiis incipit ab  
 iis sumit, quæ in salutatione, & in primis  
 congressionibus observanda sunt. His  
 tertio in Dialogo expolitis, transit ad  
 ea, quæ ad sermones, & ad ornatum ac  
 gestum corporis pertinent, in hisque ex-  
 plicandis totus versatur Dialogus quar-  
 tus. Demum quintus tribuitur explica-  
 tioni convivalis urbanitatis, de qua uti-  
 lissima præcepta dat; neque negat plu-  
 ra eorum, illa præsertim quæ sunt de  
 convivali sermone, sc. ex Plutarcho sam-  
 plisse,



pūse, quoniam ejus convivium, magis quam alicujus antiquitatis Philosophorum, sunt exculta officiis urbanitatis. Neque est prætereundum, multa in his Dialogis occurrere, quibus Auctor ostendere conatus est, Virgilium in his ipsis rebus, quas ab Homero mutuatus est, hanc longe multumque superare (loca enim utriusque inter se conferuntur) observatione decoris, urbanorumque officiorum. Placuit Dandinio opus hoc inscribere *Orionem Aricinum*, propterea quod in Aricino illud elucubraverat iis feriarum ferensium temporibus, quibus ibi cum Patre coestuari solitus erat. At priusquam hæc perficeret atque ederet, aliud conscripsit opus, quod & sibi & Patriæ gloriosum fuit. Etenim annotationibus illustravit Historiam Cæsaris, quam Italice

hic scripserat Cesar Brixius, & Franciscus Maria Facinus in Latinum verterat. Profecto Brixius nimis peperans ac festinans pleraque in hac Historia nonnisi summam attigerat, quæ ut dilatarentur, plurimum ad laudem ipsius Urbis interesse Dandinius petavit. Ille igitur multa in medium protulit testimonia ac monumenta, neque ea minuta, sed gravia & grandia, quæ mirabiliter Brixiam, resque Cæsariatum illustrent. In his adnotationibus sunt nonnullæ, quæ non solum explicant hominum res gestas, sed etiam qui fama, nomine excelluerint, & de eorum vita & natura hæc pauca commemorant. Optasset Dandinius illustrium familiarum origines subtexere, sed cum Brixius nullum sibi ad hanc rem adiutum dedisset, supersedendum duxit.

xit . His confectis adnotationibus, egit  
cum Batavis Typographis, qui curam  
fessinebant edendi *Thesaurum Anti-*  
*qultatum & Historiarum Italiae*, ut  
et cum Braxiana Hiberna in *Thesau-*  
*rum* illum referrentur . Quod facile  
cōtinuit . Quare autem idem sub scō  
Herclci Diuandæ nomine latere volue-  
rit, non satis scio . Verum is suis Civi-  
bus diu haud potuit occultari . Hi pro  
tali munere in Dardinium grati nihil  
sibi reliqui fecerunt, ut sua in illum  
amoris, ac studiū constarent officia;  
ac præsertim honores eidem tribuerunt  
amplissimos eo tempore ( id fuit anno  
mcccxiv. ) quo ille ad eos venit, ut  
lauream, ceteraque doctrinæ insignia,  
acciperet . His ab eo acceptis cum  
præclaro indicio perstantissimi ingenii  
& perfectæ eruditionis, in eam præ-

sertim curam incubuit, ut valetudini  
 confideret, patrique cali aspirationem  
 adeo salubrem expertus est, ut qui non  
 bene sanus, gracilisque Roma profectus  
 fuerat, valens, pinguique habitu ad  
 eam septem fere post menses redierit.  
 Hoc tempore magnam junxit amici-  
 tiam cum Alexandro Cocchinio viro  
 non solum scientia Juris, quod in Ur-  
 be magna cum laude exerceat, sed e-  
 tiam optatis artibus eruditissimo, &  
 cum eo quasi quandam societatem, &  
 communicationem liberiorum instituit.  
 Optasset ille per omnes recentiorum  
 Juris Interpretum libros excurrere, &  
 sperans se multa ab eorum fontibus  
 posse haurire, quae immensam suam  
 prosciendi sitim explerent, sed obsta-  
 bat s'atrens plus aequo antiquitatis a-  
 mans, verensque ne ab ista persertim,  
 qui

qui Jæ naturæ & gentium tractant ,  
 adolescens summa integritate & inno-  
 centia' pravis imbueretur opinionibus.  
 Itaque si quem horum Scriptorum is in  
 manus sombat , occulto id facere co-  
 gebatur. Ab Jæis exercitationibus dis-  
 jungebat se interdum , seque ad man-  
 ufactiores Mæis referebat. Hinc Latine  
 quedam Orationes sine nobilibus  
 atque elegantes , quæ alieno nomine  
 sunt editæ . Vel antea jam Hercules  
 Franciscus dederat specimen sui ad  
 eloquentiam ingens in ea , quam  
 an. mccccviii. in Patria habuit , Ita-  
 lica oratione de Principe Eugenio ,  
 laudans & efferens eum a fortitudi-  
 ne , prudentia atque pietate . Idem-  
 cum cooptatus fuisset in Academiam  
 Quirinorum , vernacula quoque ora-  
 tione discursit de antiquorum Poeta-

lum jure , que quidem oratio & ele-  
 gantia & eruditione omnibus proba-  
 tissima fuit , editumque ei patefecit  
 ad amicitiam Cardinalis Laurentii Cor-  
 sioli , qui eidem Academiæ præerat .  
 Neque studiis eloquentiæ contentus at-  
 tigit Poëticam quoque , sed que con-  
 didit carmina seu Italæ , seu Latina ,  
 quamvis ea concinna sint & elegantia ,  
 declarant tamen eum caruisse illo quasi  
 furoris afflatu , sine quo Democritus ,  
 ut est apud Ciceronem , quemquam  
 Poëtam magnam esse posse negat . In-  
 terim Dandicius , iubente Patruo , con-  
 silia ire cepit ducenda uxoria , du-  
 xitque in Patria an. mdcxxx. Na-  
 bellam Patriboniam femineam virtuti-  
 bus & nobilitate claram , cum qua ad  
 extremum vitæ spiritum vixit conjun-  
 ctissime , & ex qua undecim suscepit  
 libe-

II

liberos . Sexto mense postquam has nuptias contraxerat Hercules, Patrum amicum, a quo ex alie heres factus est . Hæc res illi causâ fuit magnarum perturbationum , propterea quod Pater in liberos, quos ex secunda procreaverat more , propensior iniquo ferebat animo hos fratris sui bonorum exheredes esse . Itaque non sinebat Herculem nisi tenuis ex hac hereditate percipere fructus, quibus vix se suamque familiam sustentare posset . Quibus angustis cum premeretur , maximum in sua virtute, suisque in studiis levamentum reperiebat . Cum jam non amplius Urbem cogitaret, ac sedem domiciliumque suum in Patria collocasset, in hoc sibi quam maxime elaborandum putavit , ut sui cives essent opera, studio ac labore suo doctiores .

B 3

Ita-

Itaque domum suam tanquam ludum, quemdam aperuit non solum Jus discere cupientibus, sed etiam omnibus iis, qui se ceterarum doctrinarum, optimarumque artium amatores profiterentur; horumque utilitati, quo magis prospiceret, eadem in domo suam Academiam instituit, cui *Philosopharum* nomen imposuit. Academicis leges quasdam dedit; has vero ita scriptas, ut haud pauca earum verba retineant venerandam illam antiquitatis effigiem, quae in XII. Tabularum legibus est expressa. In hoc quoque magnopere profuit civibus suis, quod omnibus de iure consulentibus respondebat, quodque illo arbitro ac disceptatore plures disceptae sunt lites. Accidit interea, ut Cassinates singularibus a CLEMENTE XII. orati beneficiis ( per eum enim



29

enim gradus, honores, juraque amplissima, quæ sibi adempta fuerant, recuperarunt ) æternis vellent monumentis memorem ac gratum animum suum testari. Itaque tanti Pontificis simulacrum e marmore in Prætorio positum fuit, & invitati ii, qui laude ingenti in ea civitate florebant, ad ejusdem Pontificis magnificentiam celebrandam cum soluta, tum obstricta pedibus oratione. In hac re præcipue partes fecerant Dandini. Nam is Latinam attulit orationem; attulit quoque Latinum carmen, & elegiam, quæ quidem omnia scripta sunt elegantissime & sententiis & verbis. His ille rebus effecit, ut maxime coleretur a civibus suis. Multa quoque & ornate & honorifice de eo predicabant absentes, ad quos aut fama de illius doctrina, aut ipsius

scripta pervenerant; florebatque jam doctissimorum virorum familiaritibus. Sed non magis vir doctus, quam bonus poterfamilias haberi studebat, quam utramque laudem collegit eo, quem ut filiis suis præsertim consulere-  
ret Latine & Italice scripsit. Dialogo de ratione pueros adolescentisque erudiendi in bonis artibus ac disciplinis. Argumenti utilitas hortatur nos, ut plura de hoc libro referamus, quam instituti nostri ratio postulare videtur. Statuit primo delectum haberi oportere ingeniorum, quæ idonea sint ad bonas artes ac disciplinas acquirendas; hæc benigne liberaliterque infundenda, cum permagni referat, ut iuos præceptores ament, & cum voluptate studia litterarum excolant. Transit inde ad rationem docendi, tradendi-  
que

que perceptæ , atque hanc ita esse temperandam , ut brevis sit , ut comoda , ut jucunda adolescentibus . Jure igitur ac merito eos vituperat , qui sicut pueros plures annos in unius Latine lingue rudimentis consumere , cum Latine orationis formandæ regulas ab usu , & consuetudine Latinoꝝ Scriptoꝝ petere necesse sit . Hinc jubet pueros postquam capita quedam præceptorum grammaticæ perceperint , quæ certa sint , firma ac stabilia , statim duci ad classicum aliquem Scriptoꝝem , quem sine intermissione versent , memorie tradant , in Italicum sermonem convertant , habeantque veluti usum ex familia , quocum magistri ope familiarissime loquantur ac vivant . Explicat quibus gradatim libris uti illi debeant , existimatque incipio illi mini-

me attingendos esse Poetas, ac poeticas locutiones solute orationi incantate admisceant, & monstra quædam pariant. Postea vero quam adolescentes in suavi non minus, quam utili elegantissimorum librorum lectione ita se exercuerint, ut jam non Latinam tantam orationem, sed etiam illius videres sint affecti, censet iis dandam esse operam Dialecticæ. Non tamen vult eisdem misere torqueri illis spinosis disputationibus, quas barbari quidam Scholastici invexere, quare ipsos delegat ad Arnaldi librum, qui inscribitur, *Artis cogitandi*, aut ad *Institutiones Logicas* Jacobi Facielolani. Morem disputandi in contrarias partes non negat plurimum habere utilitatis ad acuenda ingenia, verum placere sibi, ut ea in questione ponantur, quæ pertinent

37  
 nent ad hominum mores, aut ad ci-  
 vilem populorum societatem. A Dia-  
 lectica ducit adolescentes ad Geome-  
 triam, cujus inter ceteras utilitates il-  
 lam potissimum recenset, quod men-  
 tem sic informet, ut hac rectum ordi-  
 nem agnoscat ac sequatur in omni  
 scribendi loquendique ratione. Hoc  
 confecto cursu, tunc jubet adolescentes  
 ingredi stadium Rhetoricæ ac Poeti-  
 cæ, quarum artium præcepta ex le-  
 ctione maxime optimorum tum Ora-  
 torum tum Poetarum haurienda esse  
 putat. Optare se dicit, ut hoc tempo-  
 re Græcæ litteras cum Latinis iidem  
 conjungat; quædam, eæque utilissima,  
 allata Julii Poggiani viri docti episto-  
 la, discit de recta ratione imitandi  
 veterum scripta, cujus rei exempla  
 per multa profert, quæ manu veluti du-  
 cunt

cunt adolescentes cum ad recte inven-  
niendum, tum ad scribendum eloquen-  
ter. Hæc sunt curricula, hæc exerci-  
tationes, in quibus ingeniosi adole-  
scentes, qui manfectoribus musis ini-  
tiari cupiunt, versari debent. Neque  
iis quoque deest, qui ad majores excul-  
tates aspirant, nempe ad Philosophiam,  
reconditiores res Mathematicas ( his  
tamen rebus ille non erat nisi levi-  
ter tinctus ) Theologiam, Pontifi-  
cium ac Civile Jus. Indicat enim qui-  
bus libris tanquam decibus uti debeant;  
& hoc ignoretur velim Jurisconsulto,  
quod de sola Juris prudentia plura tra-  
dat, quam de ceteris omnibus, quas  
memoravimus, disciplinis. Nihil vero  
in hoc libro ponit Hercules Franci-  
cus, cujus continuo rationem non pro-  
ferat, quanquam paucis aliquando  
com-

comprehensam. Qua in re imitari voluit scientiæ Juris Civilis conditores illos elegantissimos Alfenum, Papinianum, Ulpianum, ceterosque, in quibus assidue legendis fateretur ipse multum se & posuisse temporis, & habuisse voluptatis. Satis de hoc libro dictum erit, si hoc unum adjunxero, mihi affirmasse hominem, qui fuit iactantissimus Dandino, hunc auctorem esse Orationis de moderanda studiorum ratione, quæ in eundem librum relata est, quæque Marco Turrio in Archigymnasio Romano Juris præsentis Interpreti tribuitur. Quoniam vero hanc susceperat personam Hercules Franciscus, ut optimas adolescentium institutioni confideret, rem perquam utilem se facturum putavit iis, qui ad Juris prudentiam exercendam se applicarent.

cuerunt, si rationem traderet declinandi immanes illos barbarismos, quos perversa consuetudo in forum invexit. Quid sint porro *apodiare*, *retinere*, *sub manica*, *antidota*, *cavamentum*, *pelata*, *nam petiam terra*, *deposicare in hanc*, *repartare suam recapitam seu receptam a bancherio*, *juvenis negarii*, *defectus non adimplementi*, *trallamentum*, *reparimentum*, *deducere pretenensionem*, & innumera alia hujusmodi foedissima monstra? Hæc acriter persequitur Hercules Franciscus in eo quem confecit Dialogo, *de Forensi scribendi ratione culta atque perspicua*; & ex Pandectarum libris, tanquam ex arthetico, promit medicamenta, quibus ista sanari possit contagio. Optandum esset quidem ac Dandisium forensium barbariem emendare



dare ingressum e cursu ipso alix res  
tum privatæ tam publicæ revocaf-  
sent . Eodem ferme tempore edidit  
commentariolum , *de ea distribuen-  
tis Justitiæ parte , quæ in præmiis  
largiendis versatur* . Quæreret solchas  
Dandinius , quid esset , cur , cum mul-  
ta Theologi , Philosophi , ac Juriscon-  
sulti scripserint de Justitiâ , hanc par-  
tem , in qua magna est laus atque uti-  
litas , aut prætermiserint , aut non nisi  
leviter tetigerint . Fœdus igitur se  
operæ pretium existimavit , si in id  
incumberet , ut ostenderet , in præmiis  
largiendis certas Justitiæ regulas esse ,  
quas negligi nec equitas nec honestas  
patitur , adeo ut qui meritis honores  
non ferat , tam conqueri possit , quam  
is cui pactum non servetur , aut data  
in stipulatione fides frangatur : Docte  
ere-

eruditeque examinat ad premium obtinendum quid ætas, quid genus, quid majorum præclara gesta, quid natale solum, quid propria conferant merita; & que demum honorum petitio honesta existimanda sit, & distribuenti Justitiæ consentanea. Hunc porro commentariolum nuncupavit Triumviris Patavinæ Academiæ, totiusque rei literariæ Moderatoribus: rationem autem nuncupandi hanc se habuisse dicit, quod illi se præberent exemplum illius Justitiæ tum in eligendis viris insigni doctrina præstantibus, qui eo in Gymnasio publice docerent, tum in præmiis pro eorumque merito concedendis. Illi certe hanc laudem merere, cum anno MDCCXXV. eximio quingenorum florenorum premio Herculem Franciscum inviaissent ad interpretandos

des

33

des eodem in Gymnasio Pandectarum  
& Justiniani Codicis libros. Accepit  
ille conditionem, & quod esset honestis-  
sima, & quod illius accipiendæ susce-  
ptor esset atque impulsor Joannes Baptista  
Morgagnius vir sibi maximis amoris  
vinculis conjunctus. Patavium igitur  
cum uxore & liberis Autumno ejusdem  
anni concessit, & quamvis vir mode-  
stissimus illa se commoveri exedra di-  
ceret, in qua præstanti doctrina homi-  
nes confederent, talem tamen se præ-  
buit, ut superiorum gloriam aut vicerit,  
aut certe æquaverit. Ex quo fa-  
ctum est, ut ad stipendium quingen-  
tarum florenarum ducens breve post  
tempus adjungerentur, utque ad im-  
positum munus hoc quoque novum addo-  
retur, explicandi videlicet quicquid  
Novellis Constitutionibus continetur.

C

Ac

Ac ne quis forte quærat quam interpretandi viam secutus sit Dandinius, jure referre, quæ ipse epistola quadam ad amicissimum suum Joſephum Tocillum Veronensem scripſit. *Noſti meum interpretandi meum. Cum, cum in unaqueque titulo Pandectarum capita, ſive leges, uniuerſe quidem ad unum genus juris attineant; ſed tamen ſi ſpectentur ſingillatim, varia de uno genere juris argumenta complentur, ſic diſtributa, ut diuerſas in ſides ea, quæ ſimilia ſunt, et ſæpe eodem quoque, concurrant: Ego varias conſtitere claſſes opportunitatem conſul, duas modo, modo tres, in quarum ſingulari convenientia inter ſe quoque capita collocarem: ne primo aliquid attingere, max aliud diuerſum, rariſque primum, deinde no-*  
tam

13

vam aliud; iterum ad primam, vel  
 tertiam referre, non sine temporis dis-  
 pendio, & auditorum molestia, opus  
 haberem: quæ ordinem à me, nullo  
 dote, institutam indicant ac tabellæ,  
 quas typis edo gustantibus, exhibeoque  
 amplificationis rei nostræ Litterariæ Tri-  
 amviri. Neque est pectus eundem cum-  
 quam satis potest legum sensum expo-  
 nere, nisi simul ostendisset, quibus ex  
 fontibus illæ manarent. Hinc multa ex  
 Græcæ, & Latinæ Scriptoribus depro-  
 mebat, multa ab Història, omnique an-  
 tiquitate repetebat, & sæpe etiam à  
 Philosophia ac præsertim morali lu-  
 men mutabatur. Disserta illam spo-  
 liare voluisse Grammaticos suis divi-  
 tiis, cum ad enodandos juris laqueos  
 vocum origines, rationesque explica-  
 ret: nec nisi utilia consectabatur, &

C 2

quo-

quotidie tamen aliquid minime vulgare, minimeque contritum adferebat: ad-  
 jungebat ad hæc miras Latini sermo-  
 nis elegantiam, adeo ut si ipsa loqui  
 posset Juris prudentia, non rectius, aut  
 copiosius, aut ornatius, aut majori  
 cum dignitate sensus suos explicatura  
 videretur. Huic rei argumento esse,  
 possunt duodecim, quas anno suorum  
 in vulgus edidit, epistolæ ad Jo-  
 sep̃um Torellum, quem paulo su-  
 pra commemoravimus, *de Servitutibus Prædierum*. Hæ enim conti-  
 nent eadem sermone illa, quæ anno su-  
 periori in schola idem tradiderat,  
 cum VII. & VIII. Pandectarum li-  
 bros interpretaretur. Quis qui legent  
 hoc maxime admirabuntur, quam  
 acute atque erudite Auctor indaga-  
 verit illarum servitutem originem:  
 quum

quam scienter earundem jura exposuerit; quam nova multa attulerit de usufructu illarum rerum quæ sunt in abusu, de usufructu navis, statuarum, ac gemmarum, melle aureæ, vel argentæ, seminariis, sive plantariis, arcarum, ædium, harumque habitaculis; quam expedite explicaverit difficiles in quibusdam legibus nodos, quam facile specie inter se pugnantem leges conciliaverit, & quam recte multos Interpretum errores correxerit. Non abs re, immo scien digna sunt, quæ arrepta a tempore, in quo scribebat, occasione, cum lepidè, tum ingeniosè differit de discrimine, vocum *viridis*, & *viridaria*; & quæcumque te vertas, ubique interiorum, ac reconditarum litterarum vestigia agnosces. Quapropter eos, quibus di-

disciplina juris squalidum quoddam ac desertum videtur, facile erroris convinci posse arbitror, si ad has Pandectianas epistolae delegenter. Patavii cum esset dulcem quidem & optatum capiebat fructum ex familiaritate & consuetudine Joannis Baptiste Morgagnii, Josephi Aldecone, Jacobi Facciolati, Joannis Antonii Vulpii, aliorumque clarorum virorum, quibus semper illud Sapientiae domicilium abundavit. Aedes quoque frequentabat Card. Caroli Rezzonici, qui tum Patavinam Ecclesiam, nunc Orbem terrarum, gentiumque omnium Catholicarum CLEMENTIS XIII. nomine sapientissimus, sanctissimoque gubernat. Huic enim eximie carus & jucundus erat praesertim propter summam in Deum pietatem, summamque morum innocentiam. Atque hoc



hoc non auditum, sed nobis ab ipso-  
 met Pontifice Maximo testatum pre-  
 dicamus. Nam cum is aliquando pro  
 sua singulari benignitate passus esset  
 nos secum loqui de viris doctrina cla-  
 ris, qui aut illustrant, aut illustrantur  
 Patavium Gymnasium, incidissetque  
 in mentionem Dandini, paucos se  
 cognovisse dixit, qui cum eo integri-  
 tate, religione, diligentique in libe-  
 ris educandis certare possent; adeo-  
 que viri jucundissimi & ab adolescen-  
 tia amicissimi obitu se commotum fuis-  
 se, ut nihil propemodum sibi usquam  
 acciderit ad dolorem acerbius. Sciunt  
 porro omnes experti, quanta vis sit in  
 amicitia, si hanc similitudo naturæ  
 conjunxerit. Nec minus Hercules Fran-  
 ciscus officia sua præstitit absentibus a-  
 micis, e quibus maxime dilexit Jaco-

hum Baſanum Vicetinum , e Caſertibus Angelum Serram , Patricium Righium , Ferdinandum Ghinium , Scaphacem Florentinum , e provinciſiſ-  
 bus Sanctem Bachium , Joſephum Picium , & Hieronymum Ferrum ,  
 ad eoſque cum laxatus erat curis , quas illi docendi munus afferebat , crebras,  
 elegantiffimasque mittebat epiftolas .  
 Eſt in manibus hominum , quam ad Baſanum ſcripſit de BENEDICTI  
 XIV. Pont. Opt. Max. laudibus , Carolo Fattibonio non ſolam amicitia , ſed  
 etiam affinitate ſibi conjuncto , cum  
 lite implicaretur , ea tribuit , ut plura a  
 parente proſciſci non potuerint . Nam  
 jura illius ſcripto defendit , & quibus  
 aliis poteat rebus juvit . Longum eſ-  
 ſet commemorare ſingulos , quibus in  
 judicialibus controverſis conſilia dedite  
 plena

plena prudentie ac fidelitatis. Thomæ Emaldio Lugienſi paranti editionem, elucubrationem Bartholomæi Ricci popularis ſui multam & utilem operam præbuit. Nam illius politiſſimæ Scriptoria vitam magna ex parte confecit, haud pauca inedita ſuppeditavit, & ut quam emendate ac nitide Patavinis typis editio fieret curavit. Id intelligi volumus, nemini unquam, qui ejus ope indigeret deſuiſſe, quo ſebat, ut ejus amicitia omnibus eſſet cariſſima. Beatorum ſe exiſtimabat ſi poſſet memor gratulæque accepti beneficii & eſſe & videri; quod autem ipſe tribuerat tam diu meminiffe videbatur, quoad daret. Neminem etiam laeſiſſus unquam laſit, & in indulgendis peccatis facilem ſemper ſe præbuit: tanta vero erat patientia, ut nullus eum querentem audi-

audierit . At qui forti & magno erat animo in rebus suis adversa perferendis , facile tum in amicorum , cum in ceterorum hominum miseriis lugebat . Sed hoc in eo propter singularem ipsius bonitatem minus fortasse mirum videri potest . Vere enim hoc Cæcil proverbio dicitur , bonos viros faciles esse ad lacrymandum . Si quis unquam fuit remotus & natura , & magis etiam ratione , atque doctrina ab inani laude , simulatione , atque ostentatione , Dandinius profecto fuit , adeo vero simplex & purus , ut vel ipsa fraudis , machinationis , atque avaritiæ nomina ignorare videretur . Quæ , aliæque virtutes eo magis delectabant , quod apparerent in eo cum specie , quædam liberali , hilari & venusta . Ludicra spectacula ab ipsa adolescentia fugi ,

fugit, & quo tempore plerique hominum solent feriati oblectationi indulgere, ille se in suam bibliothecam abdebat, ut aliquid aut legeret, aut scriptitaret. Ornabant hanc bibliothecam non modo festiva librorum copia, sed etiam pictæ doctorem hominum imagines, quarum singulis apposuerat brevem, sed elegantem explicationem earum rerum, quæ magis essent commemoranda de vita illorum, quos representabant. Magnorum virorum exempla maxime incitabant Dandinium ad illa æmulanda. Quapropter nunquam cogitare desistit, quibus aliis posset ingenii monumentis, quam splendebat publici Doctoris dignitatem, ornare. Susceperat expoliendos Latinos Dialogos, quos ad emendandam barbariem forensẽ destinaverat, mul-

ta ex assuâ interpretationibus in lucem hominum edere parabat, quo libro *de Servitutibus prædiorum* alii comites darentur, sed ab his, aliisque laude quidem dignis rebus agendis cum abstraxit mors, quam obiit VII. id. Novemb. an. MDCCLVII. Mortis causa fuit apoplexis, quæ cum jacentem in lecto (nam febricula laborabat) corripuit. Sepultus est in *Æde S. Agidii*, ut ipse testamento præscriperat. In sepulchro vero Joannes Baptista Morgagnus, qui in primis amicissimi hominis casum doluit, hoc inscripsit elogium:

D. O. M.

D. O. M.

HIC SITA SUNT OSSA  
HERCULIS FRANGISCI DANDINI  
COMITIS ET PATRITII CÆSENAT.  
PANDICTAR. COD. AUTHENTICOR.  
IN PATAVIN. GYMNASIO  
INTERPRETIS CÆSARINÆ  
GENERE DOCTRINA MORIBUS  
PRÆSTANTISSIMI  
QUI VIXIT AN. LII.  
OMIT AN. DOM. MDCCC XXXIII.  
VII. ID. NOV.

Cæsenses non solum laetitia, sed etiam  
justorum pompa, cenotaphio, & mo-  
numentis litterarum tanti civis mor-  
tem honorandam decreverunt, quod  
ad memoriam patriæ laudis, & ad su-  
perflites excitandos spe gloriæ pluri-  
mum conducere sunt arbitrati.

OFF-

## OPERA EDITA.

**GRASPANT** delle Isoli del giovanissimo Principe Re-  
gale di Sampa per le notizie riportate contro il Turco.  
Essa in Italiano, col titolo: *Compendio degli au-  
daci efferati di Cipro per le notizie dell' armi  
Osman, capo de Turchi*. In Sampa per Christophorus  
Arch. Stamp. del 1. luglio 1717. in 16.

**CARLES LEON** ad **CLEMENTEM VII.**  
Papa. Alex. Under Capitan d'Europa. a Francisco Maria  
Excell. Capitan mare primus ex Italia in Latium  
promoveo veris, et Achilii Divinus ( hoc est Harma-  
ta Dardani ) observandis illustrata. ad completum .  
Essa in Theatro descriptionum et Historiarum Italiae  
edita a Pet. Bormann. Praef. Pet. B. 11. quapriorum  
Titulum supplementi aliam praefari. Lugduni Batavo-  
rum, sumptibus Jaco Fander de, Bibliopae Curiae,  
atque Academiae Typographi. 1709. in fol.

**HERVULIS FRANTOCI DARDANI CAESARA-  
TES OTUM ARKINUM**, seu de Urbani effluu Dia-  
logi P. quibus accedit ad eadem in Italia formae in  
Latium convertit Joannis Gajus Chalceus Roma ex Ty-  
pographia Antonii de Rubeis Op. an. 1718. in 4.

**LEONIS ACANTHAE PALLADIUM** super  
de urbe Capiae instituta. Rubens Januarii 1710. Ca-  
piae eodem anno, in 4.

GRAD



**GRATIN, CHARLES, & FLEURY**, que tandem  
cessavit **CLEMENTIS XII.** Eorum libere, qui  
insolentiam. *Alia* Insula de nostra Signa Papa Cle-  
mentis XII. solent de reversione, & gratitudine della  
Città di Capua per li decreti ed altri privilegi della  
Sancta See ad esse concessi. In Roma 1714. pro-  
positi Giuseppe Comiti, in 8.

**FREMINY ET MURANT D'ALONTOIS**, in que  
Eremitici ad Solam facit analitica institutionem  
parat, Latine, itemque Galice conscriptas, collecta  
Reverendi Francisci Dandini, Parisi: Cassinensis, Comite  
de J. C. Cassinensis ut suspensus Francisci Jovelli  
Elisabet Typog. Epist. 1714. in 4.

**HEROULES FRANCISCI DAMONT** Comiti, de  
J. C. Cassinensis, de foveat Archidiaconi ordine edita ut-  
que proposita: Dialogus primus. Parisi 1714. Typo-  
graphia Regia Comiti, in 4.

**HEROULES FRANCISCI DAMONT** Comiti,  
de J. C. Cassinensis de re Dilectissimi Justitiae parte,  
que in primis surgendo consuevit commentariis ad  
interpretationem legi 218. B. de Aquaribus, de J. C.  
ordinem de monachis et beneficiis. Parisi, 1714.  
Typo Regia Regia Comiti, in 4.

**MUNICATILLARI** sine summa, & insula ad Car-  
tullum a Franci Archiepiscopo commentariis editum  
et illustratum, inquit huc cum eodem Carolo, Parisi  
1717. in 4.

DE RITE OPT. MAX. SENED. R. P. *Acad.*  
*Inc. epistola ad Jacobum Bapstam. A. J. Patisii apud*  
*Isidorem Comisum 1740. in 2.*

HERCULIS FRANCIS DAVENET Comiti et  
 J. G. , et in Pannone Gymnasio Puchtharum , Ceteris  
 Institutionum , et Scholarum Constitutionum Interpretis ,  
 de Sacrosanctae praedictae Interpretationis per epistolam  
 ad Ioh. quondam Sibi 1711. et 1712. Puchtharum Alti-  
 ssimam praefatus . Ficens typis Strassburg 1742. in  
 4. magno .



▲▲▲▲▲▲▲▲  
 4469258 A  
 ▼▼▼▼▼▼▼▼



